

Opuscula

Opuscula

C O R O N A
VIRTUTIS & ERVDITIONIS
THEOLOGICA

15

LAVREA,
ERVDITO CAPITI,

Perillustris & Reverendissimi Domini,

D. JOANNIS HERCULANI
MATUSZEWIC,

Canonicorum Regularium Lateranensium, per
Minorem Poloniam, & M. D. Lithuaniae,
PRÆPOSITI GENERALIS,
IMPOSITA,

Dum in Alma Univerſitate Cracoviensi,

PER

Perillustrem, Clarissimum & Admodum Reverendum Dominum,

D. M. ANDREAM
AUGUSTINUM
CZYRZYCKOWIC,

S. Th. DOCTOREM & PROFESSOREM, ejusdem Facul-
tatis DECANVM, Ecclesiarum Collegiat S FLORIANI
PRÆPOSITVM, Neosandecensis PRIMICERIVM,
Almæ Univerſitatis Cracoviensis SENIOREM PATREM,
In Illustrum Hospitum & Senatûs Academici Coronâ,
S. Th. DOCTOR, Ritu Solenni inauguraretur

Congregatione Canonica debito venerationis homagio,

HONORATA.

Operâ, FRANCISCI BARANSKI, Can: Regul: Later: S. Th: Auditoris.

A N N O

qVo PaLLas LaVris generosè Donat OLoreM.



CRACOVIAE, Typis Francisci Cezary, S. R. M. Ordinarij Chalcographi,



CORONA
VIRTUTIS & ERUDITIONIS
THEOLOGICA LAVREA.

Excelsa Virtus per ima serpere nescit.
Surgit hæc semper in altum

&
nunquam casu graviore ruit.

Et merito: nam,
terminus virtutis est, sublime Solium,
Odit hæc & arcet desides Animas,
quibus desiderium abest alta petendi.
Reddit cunctorum hominum mentes, angustas
quæ quærunt Augusta, per Augusta.
Excludit Univerfos à cello Honore
qui se ab onere excludunt.

Non portant ullius Theopompi tempora Laurus,
nisi prius

copioso sudorum nimbo aspersæ efflorescant.
Nunquam est quispiam Morphæus in folio summo,
qui solo pigritiæ somno occupatur.

Perennem non moritura Laudis Honorisq; Nomini Suo extruit Clepsidra.

qui
arduam per præceptis virtutis vadentem iter insequitur gloriam.

Nam
immortale Honoris & gloria capessere decus,
Virtutis CORONA est.

ad quam per vastos laborum anhelitus,
vis innata nobiles animas trahit.
Non enim ex jugo facili lecta Corona juvant,
quin sudatas curas expendere proponant.

Ita est,
Laureatus Honor præmium virtutis & meritorum,
frontes exambit serenas
quas irriguus sudor proluerit.

Fabios, Camillos, & innumeros alios, pulcher gloria,
ac immortalis triumphus exornavit Honor,

Sed non sine prævio laborum & meritorum proventu.
Cunctis enim est amica Virtus, amicissima labori,
Cujus individua Comes nominatur.

Arcet hæc ab Arce gloriæ Sardanapalos, amat Catones
removet Heliogabalos, fovet Tullios,

^{qui}
in sublime evectam gloriæ Majestatem contendunt evolare.

Hæc est inclyta gloria,
Meritis celsos obtinere Honores,
non meris Fortunæ favoribus;

^{quia}
Fortunæ ludentis dignatione parti triumphis instabiles,
propria acquisiti virtute perennis gloriæ adsunt monumentum.

^{Verum}
Nihil Tu ludenti Fortunæ debes,
^{præter lusum:}

Perillustis & Reverendissime Domine,

**D. IOANNES HERCVLANE
MATV S Z E W I C,**

Canonicorum Regularium Lateranensium, per Minorem
Poloniam, & Magnum Ducatum Lithuaniae,
PRÆPOSITE GENERALIS.

Sacrae Theologiæ NEO-DOCTOR,
qui ejus favores sæpius elusisti.

Non enim THEOLOGICAM Lauream contulit Tibi volubili rotæ
insidens Dea,

Sed sublimis virtus Tua
quæ per ingentia merita Tua Dux Tibi fuit ad CORONAM.

Mereri LAVRVM voluisti, non habere;
ut nihil Fortunæ

sed omnia virtuti debuisses.

Non primò Orbis hujus cernebas lucem,
quàm ipse luce fulgebas;

fulgorem Virtutis in nativo Candore Tuo representans.

Referebas Gentilitij Tui CYGNI Candorem
qui est.

virtutibus, & morum probitate integerrimus Ales,
^{cum}

est in juvencis & in equis Patrum

Virtus nec imbellem feroces

Progenerant Aquilæ columbam.

Nec voluisti celsarum virtutum Tuarum tegere lucem
quamvis Lucinæ fascijs tegebaris
ut ad primæ juventæ Tuæ initia,

in admirandum virtutis Tuæ argumentū traxeris animos

In juvenili ætate, nihil in Te juvenile erat:
præter annos.

Adbuc in prætexta jam Vir censebaris ætate ;
dum Tibi non puerilis lusus,
Sed maturi judicij placuit usus.

Novisti Scientiam animorum esse Principem,
ideo, principia literarum inchoasti.

Ferebaris intimo in literas amore,
insomnes ad Lucernam Cleanthis ducendo noctes:
ut atra nocte,

obfuscatam ignorantia caligine mentem
conspicua Sapientia luce illustrares.

Apparebas hîc Christianus sub Chirone Achilles,
qui non tantum docebaris,
sed & docebas.

Docebas plurimos, qui scandere sciebant de malo in malum
declinare à malo,

antequam declinationes didicisti.

Mirabantur cuncti miram ingenij Tui sagacitatem
& cum neminem Tibi intuebantur parem ;

Anacharsim Te inter Scythas nominarunt.

Erectus ad alta celsioris Parnassi jura,
ut per ea scandere de bono in melius scires,

postquam optimè declinare didicisti.

Nec horruisti arduos Heliconis colles,
dum modò

inter eruditas Mulas non rudis esses collatus.

Progressus tandem ad amœna Tulliana Tempe;
penitus omnem Mætydem exclusisti.

Hic TE

Graviores labores dexterrimum probaverunt Alciden
quem, nec

immensum Tulliana facundia absorpsit flumen,
nec

expansa Mercurij ala, turbulentos laborum concitando
Aquilones deteruerunt,

Magnus in Tulliana Palæstra oneribus pressus
exonerari nec cogitasti: sed

Secundis auspiciis per arduos difficileq; passus ad virtutis

CORONAM properabas.

Charybdaos

*Charybdaeos laborum Scyllaeosq; periculorum pratergredi
scopulos non metueras,*

quando præmium virtutis CORONAM merueras.

Ivisti per perplexos Philosophicos ad CORONAM Mæandros,

non videri diciq; Philosophus, sed esse maluisti.

Nec micam Tibi Pannici timoris cornuti incusserunt, syllogismi,

quem

nec in FERIO formata Philosophorum feriebant Argumenta.

Verum

dum Te jam sublimes seculi exposcebant Honores,
velo Sacræ Religionis Canonicae velari postulasti;

ut sic celatus de seculo.

sola Cœlestia avidus posses contemplari.

Fugisti honores non aufugisti tamen,

quia

Virtus Te ad sublimia semper vocabat; quæ

nescit in parvis latitare terris:

sed in altissimis habitat, ac

cunctos amatores sui trahit in altum.

Vertebas cunctorum oculos, vertebas animos, & conversos

in Te tenebas,

Siquidem ingens delictum erat CYGNEVM Candorem Tuum,

CYGNEOS quoq; mores intueri.

Nec immerito; nam.

splendore Nominis, morum comitate virtutum claritate præluxeras.

Quocunq; enim Te vertisti solus,

ubiq; splendissimum representabas Solem,

cùm insigni clarissimarum virtutum stipatus caterva

ubiq; resplendebas.

Omnes ferè virtutes Tuas intuentes, unanimi voto ac una voce dicebāt
quod brevi virtutes hæ ad sublimia Honorum, fastigia extollentur.

Omnes etenim indefessi labores Tui

non Tibi labi:

sed surgere in altum demonstrabant.

Si quis illorum ad quævis honorum subselia fuerunt Tibi gradus,

maximè tamen ad Lauream.

Sic quippe eruditam adamasti Palladem,

ut ei

pro Ara Caput, pro sede mentem, pro simulacro memoriam,

pro lumine ingenium, pro incensis & odoribus

quotidianas lacubrationes dedicarveris.

Nunquam Tibi placuit, à Palladianis cessasse operibus;

B

unde

unde colligo
verum Te amatorem ipsius exitisse.
Conscendisti primò Crasnicenses Exedras, &
Diviniore facundia præditus;
disertiùs Tullio, suaviùs Demosthene, vehementiùs Pericle, loquebaris
cum fiducia Verbum DEI.

Ita Tibi benevolos Auditoris captabas animos,
ut simul animas eorum Deo captaveris.
Accurebant cuncti non cunctantes verè Pegaseo passu,
ad audiendum Te Divina loquentem Orphèum,
qui saxea plurimorum corda ad saltum movebas,
in viam salutis.

Magna universis Hilaria faciebas,
quando Ecclesiastica conscendebas Rostra:
qui desiderabant Te loquentem semper audire
maximè tamen cum silebas.

Gratulabatur sibi Crasnicensis Civitas felicitatem tantam,
quod Te

Sacrum Hyperiden fortita fuerit,
felicior futura
Si Te non novisset.

Na n,

Non diu tanta potiebatur felicitate,
dum Te exinde ad majora virtus eduxit.

Traxit Te ad se Metropolitanæ Urbis Vilnensis

P R Æ P O S I T V R A,

ast Tu eximius honorum contemptor non aliâ voluisti.

C O R O N A insigniri,
quàm Laurea.

Sciebas optimè, quemvis cui cura domûs est, magis curare aurum,
non Laurum,

ne tanta experireris impedimenta,
sublimiori fastigio renunciaſti.

Vnicas Tibi reputaſti delicias eruditæ Minervæ semper intentum
esse operibus,

idcirco

in Canonica Generali SS. CORPORIS CHRISTI

& Ecclesiasticam Cathedram,

& Scholasticam simul assumptiſti.

Nullò hîc laborum pondere preſſus.

Sive in proprijs, sive in alienis ædibus sacris, ædificandus
erat; populus verbo vitæ,

sive ex Scholastica Cathedra ignorantia nibe velatæ mentes
ſcientiæ luce illuminandæ erant, utriq.

utriq; oneri Athlanteos sufficientes supposuisti hūmeros sicq;
ex utroq; Cæsar apparebas.

Novit bene animi mei Horyzon Tuæ Sapientiæ lucem,
quem si Tu non illustrasses, ad meridianum hæcenus
cæcutijset solem;

qui in Philosophicis à Te eruditus difficultatibus,
Diviniorem Palladem erudito Capiti Tuo infidentem,
submissa propensione venerabatur.

Sic Philosophicum expeditivisti cursum,
ut

nemo nostrum in eo ceciderit.

Patuit enim hic ingenij tui acumen,
sed sine punctura;

cum omnes difficultates facillimè enodasti.

Cæpisti tandem Incarnationis Divinæ explicare Mysteria,
hic Te Angelum in carne credebamus;

quoniam

non hominem,

Sed Intelligentiam Te audire videbamus:

quia de ita altis mysterijs.

nunquam sic locutus est homo:

Ita Tibi maximi momenti eruditionem æstimasti,
ut

ne eam deseris;

sublimiora fastigia multoties deseruisti.

Et benè est,

Nulla quippè tempora avidus sacra laurea poscit,

quàm quæ ante CORONAM

exacta coronat eruditio.

Ita Divinum Theologum

certè Cælestem in terra Virum,

doctrinâ, moribus, nullius Aristarchi censoriam Virgulam metuentem,

iterum Crasnicensis poscit Conventus, ac

PRÆPOSITVM Dignissimum

salutat, suscipit, veneratur.

Infelix tamen Oppidum Crasnicense

secundò Te saluravit, & non secundè,

quia Te non diu habuerat.

Non plus ultra,

patè Tibi studuit sublimis honor

PRÆLATVRÆ GENERALIS;

& ne eum iterum contemnas,

Bz

cunctorum

cunctorum voces in Te, & concordia collegerat vota.
Quidni scilicet omnium favores atq; studia in Te conspirent?
qui immemor plane Tui,
in tot ac tantis gloriose suscipiendis laboribus
communi omnium bono ac honori studuisti.

Siquidem

thus Dijs, honor magnis meritis debetur.

Collocatus in sublimi PRÆPOSITURÆ Generalis folio
gravibus distractus negotijs,

non grave existimas Palæstræ peragere negotia;

Quem sacer Musarum Præses ad laurum invitat.

Et jam hæret mens, sub pondere magnitudinis Tuæ,
cui debitas encomiorum laudes depromere nequit.

Hæret & manus, immensa Virtutum Tuarum
oppressa mole,

Hæret & calamus, nec ultra progredi valet,

quo enim magis Tuam circumscribere appetit probitatem

& eruditionem,

eo major instat meritorum series.

Phærontis quippè est sequi vestigia

cum velle reptili facundia extollere sursum,

quem ipsa eruditio insignis extulerat.

Non eget ille alienis coronari hæderis,

quem Doctorales exornant Laurea.

Exornat Te jam Theologica Laurea;

pro qua assequenda

auream ætatem consumpsisti.

Novum itaq; honorem tota Tibi gratulatur Congregatio,

& Coronatum Doctorem

debito submissionis veneratur cultu,

Simulq; intimis apprecatur votis,

ut **Theologica Lauru** protectus,

nullo adversæ Fortunæ concutiaris fulmine,


Sed Nestoris longitudine, Midæ felicitate secula ducas

debita Virtuti & eruditioni Tuæ insignitus

C O R O N A.



ts
e,
M
o-
m
o
es
er
ne
a-
ut
o
c-
y-
ti-
e-
.
.
.
.



22.000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

